

Roulette

Lang vor deiner Geburt / da steht no gar ned fest
wo du des Licht der Welt erblickst / und wo du dei Leb'n lässt

Doch dann wirft jemand a Kugel / und die Kugel, die bist du
Und sie rollt in am Roulettetisch / und sie draht si immerzu

Und sie draht si, und sie draht si / Irgendwann, da bleibt sie steh'n
Und wann und wo und was du bist / des wirst du dann erst seh'n

Landest du in einer Zeit / in der man Recht und Gnade kennt
oder rothaarig im Mittelalter / und du wirst als Hex' verbrennt

Refrain

**Ob'sd es glaubst oder ned:
Die Geburt is a Roulette
Wei du woäßt vorher nie:
Wo verschlagt's di hi**

**Wie und wann wirst du gebor'n
Hast du g'wonna oder verlör'n
Ob'sd es glaubst oder ned:
Die Geburt is a Roulette**

Wie kommst du auf die Welt / als Tochter oder Sohn
In welchem Land wirst du gebor'n / und in welcher Religion

Welche Farbe hat der Körper / in dem deine Seele steckt
Is er schee oder recht schiach / Is er g'sund oder defekt

San die Eltern, die du kriegst / mittellos oder san's reich
San's liebe- und verständnisvoll / oder schlagen's di windelweich

Oder wächst du ohne Eltern / in am Waisenhaus auf
oder in am Land, wo Hunger herrscht / und du gehst glei wieder drauf

Refrain

*Vielleicht kommst du a auf d'Welt / als Pflanze oder Tier
und ständig steht der Mensch / bedrohlich hinter dir*

*Bist du der wuide Tiger / dem man nach dem Leben trachtet
oder des arme, kloane Schweinderl / des ma übermorgen schlachtet*

Bin ich der Mensch / der hier grad für eich seine Liada singt
oder der Mensch, der draußd im Mittelmeer / grad mit dem Tode ringt

Egal wer'sd bist, wia'sd ausschaugst / woanders oder hier
des entscheidet dei Geburt / da kannst du doch nix dafia

Refrain